

## CATALINA DE OSCÁRIZ ARTE ETA LANBIDEETAKO UDAL ESKOLAKO IKASTAROETAN MATRIKULATZEKO PREZIO PUBLIKOAK ERREGULATZEN DITUEN ARAUA

### 6. araua

#### Oinarria

1. artikulua.- Ordainarazpen hau Nafarroako Toki Ogasunei buruzko 2/1995 Foru Legearen Lehen Tituluko III. Kapituluako 2. ataleko 2. azpiatalean xedatutakoari jarraikiz eta haren 28. artikuluan ageri den baimenaren babesean ezarri da.

#### Sortzapena

2. artikulua- Ordaintzeko betebeharra ikastaroetarako izena ematean sortzen da, eta izena ematen dutenek ordaindu behar dute.

#### Kudeaketarako eta diru-bilketarako arauak

3. artikulua.- Matrikularen zenbatekoa Udalak berak ikastaroa bertan behera uzten badu baino ez da itzuliko, edo eskola-postuari urriaren 30a baino lehen uko egiten bazaio, ikastaro monografikoen kasuan, eta bi aste igaro baino lehen, hiruhileko ikastaro bakoitza hasteaz geroztik. Eskola-postuari uko eginez gero, ez da itzuliko administrazio- eta kudeaketa-gastuak direla-eta urtean-urtean ezartzen den zenbatekoa.

#### Tarifen aplikazioa

4. artikulua.- Aplikatu beharreko tarifak Arau honen Eranskinean daude jasota, eta barne hartuko dute, behar izanez gero, Balio Erantsiaren gaineko Zergaren kuota.

5. artikulua.- Baldin eta eskatzaileek Arau honen eranskinaren II. epigrafean jasotako murrizketen onuradun izan nahi badute, agiri hauek aurkeztu beharko dituzte, nahitaez:

a) Murrizketa familia ugaria izateagatik jasotzeko, familia ugariko titulua, betiere, familia ugariei buruzko 20/2003 Foru Legean –zeina maiatzaren 18ko 6/2005 Foru Legeak aldatu baitu– ezarritako definizioarekin bat.

b) Murrizketa familiaren diru-sarrerak direla medio jasotzeko, familiako kide guztiek urtean jasotako diru-sarrera gordin guztien aitortpen justifikatua eta halakorik egiteko betebeharra duten kideen PFEZaren gaineko aitortpena, eskaera noiz egin eta orduantxe aurkezteko epea amaiturik duena

c) Murrizketa minusbaliotasuna dela medio jasotzeko, agiri ofizial bat, non jasoko baita eskatzaileak % 33ko minusbaliotasuna edo handiagoa duela, edo ezintasun iraunkorra zein elbarritasuna dela bide administrazio publikoaren diru-prestazioak jasotzearen gaineko egiaztagiria

d) Murrizketa alarguntza-pentsio baten onuradun izanda urteko diru-sarrera gordinak Lanbide arteko Gutxieneko Soldata baino txikiagoak izateagatik jasotzeko, zein urtetan den eta urte horretan pentsioak zenbat jotzen duen adierazten duen Gizarte Segurantzaren agiria, bai eta eskaera noiz egin eta orduantxe aurkezteko epea amaiturik duen PFEZaren gaineko aitortpena ere, edo, halakorik aurkezteko betebeharririk ez badute, urteko diru-sarrera gordin guztien aitortpen justifikatua

e) Murrizketa terrorismo-ekintzen biktima izateagatik jasotzeko, biktima-izaera aitortzen duen administrazio-ebazpena edo epaia, eta biktima batekin ahaidetasun-harremanik izanez gero, hori egiaztatzen duen ziurtagiria

f) Murrizketa etxeko indarkeriaren biktima izateagatik jasotzeko, babesteko agindua edo zigor-epaia, etxeko indarkeriatzat jotako egintzak direla medio, eta biktima batekin ahaidetasun-harremanik izanez gero, hori egiaztatzen duen ziurtagiria.

g) Murrizketa familiek beren baitan beste pertsona batzuk hartzeagatik jasotzeko, abegia formalizatzen duen agiria edo hura erabaki duen administrazio-ebazpena edo epaia

6. artikulua.- Tarifak aplikatzeko, honako hauen batuketa hartuko da familiako diru-sarrera gordintzat: zerga-oinarriaren alde orokorra, aurrezkiaren likidazio-oinarri berezia eta PFEZetik salbuetsiak diren aurkeztutako errentak, non aitortpen horietan sartu ez diren eta urtean-urtean justifikatu diren diru-sarrera gordinak jasoko baitira. Familiaren urteko *per capita* diru-sarrera gordinak izanen dira aurreko batuketa familia-unitateko kide kopuruaz zatitu eta hortik ateratzen den zenbatekoa.

7. artikulua.- Murrizketa bat baino gehiago jasotzeko eskubiderik edukiz gero, II. epigrafean ezarritako murrizketak ezinen dira metatu. Salbuespen gisara, familia ugaria izateagatik eta familiaren diru-sarrerak direla medio jaso beharreko murrizketak metatzen ahalko dira, gehienez ere, murrizketaren % 100era bitarte metatu ere.

**TARIFA-ERANSKINA**

<b>I. EPIGRAFEA.- TARIFAK</b>	
- Ikastaro bakoitzeko matrikula (40 euro jotzen duten administrazio- eta kudeaketa-gastuak barne)	145,70 euro
- Lantegi bakoitzeko matrikula (13 euro jotzen duten administrazio- eta kudeaketa-gastuak barne)	48,55 euro
<b>II. EPIGRAFEA.- MURRIZKETAK</b>	
<b>II.1.- Familia ugaria dela-eta</b>	
- Kategoria orokorreko familia ugariak	% 50
- Kategoria bereziko familia ugariak (7. artikuluan aurreikusitakoa galarazi gabe)	% 100
<b>II.2.- Familiaren diru-sarrerak direla medio:</b>	
- Familiaren urteko <i>per capita</i> diru-sarrera gordinak LGSaren % 50etik % 100era bitarte badira	% 50
- Familiaren urteko <i>per capita</i> diru-sarrera gordinak LGSaren % 50etik beherakoak badira eta, betiere, ikasleak eskatzen zaion gutxieneko ordu-kopurua betetzen badu	% 100
- Bestela, murrizketa ondokoa izanen da:	% 50
<b>II.3.- Minusbalotasuna dela medio:</b>	
- Legez aitortuta % 33ko minusbalotasuna edo handiagoa duten ikasleek	% 50
<b>II.4.- Alarguntza-pentsioagatik:</b>	
- Alarguntza-pentsio baten onuradun izanda urteko diru-sarrera gordinak Lanbide arteko Gutxieneko Soldata baino txikiagoak dituzten ikasleek	% 50
<b>II.5.- Terrorismo-ekintzen biktima izateagatik:</b>	
- Terrorismoaren biktima-izaera epaiaren edo administrazio-ebazpenaren bitartez aitortua duten pertsonak, beren gurasoak, seme-alabak eta ezkontideak edo bikotekide egonkorak, eta, betiere, ikasleak eskatzen zaion gutxieneko ordu-kopurua betetzen badu	% 100
- Bestela, murrizketa ondokoa izanen da:	% 50
<b>II.6.- Etxeko indarkeriaren biktima izateagatik:</b>	
- Etxeko indarkeria fisikoaren edo psikikoaren biktima diren pertsonak, beren gurasoak, seme-alabak eta ezkontidea edo bikotekide egonkorak, betiere horiek epaiak delituaren erantzule kriminalak jo ez baditu eta, betiere, ikasleak eskatzen zaion gutxieneko ordu-kopurua betetzen badu	% 100
- Bestela, murrizketa ondokoa izanen da:	% 50
<b>II.7.- Familia-abegiarengatik:</b>	
- Bereak ez diren familiek hartuak izan diren pertsonak, ebazpen judizial zein erabaki baten edo Nafarroako Gizarte Ongizatearen Institutuaren edo pertsona hori babesteko ardura duen entitate publikoaren oniritziaren bitartez hartuak izan badira	% 50